

ut ęst ille bonu' vir, tria non commutabitis
verba hodie inter vos." *DE.* quis tę ęstaec iussit loqui?

640 *CH.* immo non potuit meliu' pervenirier 35

eō quo nos volumus. *AN.* occidi! *DE.* perge eloqui.

GE. a primo homo insanibat. *CH.* cedo quid postulat?

GE. quid? nimium; quantum libuit. *CH.* dic. *GE.* si
quis daret

talentum magnum. *DE.* immo malum hercle: ut nil pudet!

645 *GE.* quod dixi adeo ei: "quaeso, quid si filiam 40

suam unicam locaret? parvi retulit

non suscepisse: inventast quae dotem petat."

ut ęd pauca redeam ac mittam illi(u)s ineptias,

haec denique eiu' fūit postrema oratio:

650 "ego" inquit "[iam] a principio amici filiam, 45

ita ut aequom fuerat, volui uxorem ducere;

nam mihi veniebat in mentem ei(u)s incommodum,
in servitatem pauperem ad ditem dari.

sed mi opus erāt, ut aperte tibi nunc fabuler,

655 aliquantulum quae ędferret qui dissolverem 50

quae debeo: et etiamnunc si volt Demipho

dare quantum ab hac accipio quae sponsast mihi,

nullam mihi malim quām ęstanc uxorem dari."

AN. utrum stultitia facere ego hunc an malitia

660 dicam, scientem an imprudentem, incertu' sum. 55

DE. quid si animam debet? *GE.* "ager oppositust pignori ob
decem minās" inquit. *DE.* age age, iam ducat: dabo.